

荀

河

詩

集

筍河詩集卷五

大興朱筠竹

庚寅<sup>上</sup>

庚寅閏五月十五日典試福建

命下紀

恩一首

科開

萬壽錫

釐蕃五省除書第二番

御筆分題封以粉臣名恭署字如璠

本下內閣日臣筠以翰林學士商辦

笥河詩集

卷五

批本事務當入直恭批紅本拆封  
肯自書臣名誠盛遇也

舊巢未覺離鄉舉初

驛從知出

禁垣官燭三條心詎遠依依柳色廣寧門

石君聞余使閩以詩見寄和之

十年子外我在中同牀至愛忽異宮子去閩中官西晉  
適余馬首今南東燒膏繼晷送歲載知文漸少前輩在  
歐冶論劍昧採山罔象求珠費探海我行且作汗漫遊  
江山獨往轉轉幽呼之一一要飛出靈物認我鴻稽鉤  
蘭之素心香之祖盡入我室羅我廡淡與泊遭如有合  
轉以言貌得者曾誰云虎賁似中郎玉環飛燕各短長

辨色要騁潑刺赤聆音聊聽栗留黃星星寶氣沙中揀  
敢言已具波斯眼偶來浪說平生場往時親授精微產  
此門我淺子較深味如飲酒試酌斟歸來闕士若見許  
不枉千里書規箴

廣寧門外留別及門送者

我遊山水區兼之文字役東髮讀書子此行亦所適何  
爲對諸君眷眷不能釋高柳在西門踈地拂深碧我輿  
度其下我友立路陌延我須臾坐臨岐此過隙無酒亦  
無言去若醉昔醒人生百年身離會豈惟百文章信公  
器盡人善可擇立身期他年豈憂小別易英英爾資質

勉勉爾朝夕躑躅夫何爲揮手疾翻關西山山峯送  
我發鄉驛僕本多情入諸君諄悵劇行行石路盡再顧  
心忽驀寄語各珍重王程有令格

拜墓

昔我暮春來埽墓畢遊山極樂到寶珠日日兩峯嶺今  
日以使行六月別此間秋孟與冬朝不獲奠盞盤生兒  
射四方兒志守墓田年過四十二來此三十年此去六  
千里直到閩海邊典文責尤重敢不念我先我祖官中  
外通人盡周旋文端與開式同姓稱最賢

開式先生  
杭州名宿命

我父師之文行道必兼我父老未第嘗充外簾官

父官  
蓋厓

此與百計護闈卷違式期無干不獨金玉文雖瓦亦令全  
先人所用心我敢忘苦艱乘傳人所榮所自蓋有天所  
恐力不逮佑我無疾患道路未慣經佑我常安安遠遊  
呼所親欲去懷百端隴上青青松後彫我當還

宿二老莊叙度丈量來山中話別

徙倚松根望寥廓飛來天際兩白鶴我欲乘之滄海南  
二子忽至日西落相從幾年范與史差解瀟瀟風雨晦  
叶 忽然言別那復堪追子西驅碧山裏與子相見未終  
朝日夕見子人若遙且共努力加餐飯須臾便恐東方  
高會合較深離較淺欲語無語坐今晚山頭新月不顧

人直上隄西掠如剪繞繞流水太有情無端出山逝不  
停水邊樹色小所戀片葉直下隨流輕子無送我歸讀  
書相勸讀書茲相踈去以六月不聞問子其絕望雙鯉  
魚萬里之散比隣聚倉卒難言子且去天明我留送子  
先極目村東轉北路

良鄉塔

高岡故塔矗道旁細數過客日夕羊日日羣羣來復去  
幾千年往難爲詳或云多佛塔隋建縣東三里去此遠  
土人紛紛呼昊天楊業之首延昭換流俗訛謬那得真  
塔窪村近餘傳聞燕雲老將百戰死此地管鑰失北門

宵來琅琅塔鈴語獨身撒手口入虎我來塵淨而不風  
吉行從此窮南東

固節驛

安史亂始奮常山與平原良鄉不從叛固節千秋聞間  
考固節縣名在聖歷年竒稱人樂道義地史異傳潛潛  
金海陵諸嬖傳可刪中冓比衛姜不嫁過齊桓如何葛  
王妃有勅從中宣倉卒辭王行王其善自全妾不行王  
殺行行王無難悲風逼飛輪臨別情萬端前頭燕驛近  
月上磨笄尖西山數峯青繞我身斬然遂令固節驛得  
此名獨專或云海陵惡世宗或甚編此事自驚絕確錯



逾真堅參差官道樹雨洗無塵天立馬望石岡欲去還  
三嘆

宏恩寺松

騎馬徑忽轉列樹遮墻根寺門亦壯絕兩株松短繁立  
身長丈餘髮長蒙其元想當溽雨劇淋漓不如髡日出  
入爲晞美哉亦不言終日常蓬頭對立古相尊再入見  
一株三絕如篷攤下布十餘几仰視蒼翠軒承之以一  
柱坐聽諸天論三宿亦無戀夜濤作微喧聲聲入耳悟  
直欲清到魂殿前兩株立白皮翠天門直上蔽高薨葉  
色嫩欲吞戒壇觀九龍此亦其兒孫寺中老舍利及侍

龕師存

戒壇龕照上人弟子明  
奉今爲寺中舍利師

吾言或不妄山松曾手

捫聊作松小狀書之留宏恩

贈明峯上人

上人有情誰與同相遭澹泊風入松憶昔己卯十年望  
戒壇騎馬尋幽空夜上盤道山月出梵聲琅琅聆天宮  
叩門師出一笑語靜契妙得無言中出登佛閣河照瑛  
曉來送我高厓東迴頭仰見衲衣舉飄飄竚望當寒風  
人生緣亦非強合剪燭夜對思忡忡龕老怛化師去寺  
每到松下詢山童猶憶摩挲共辨碣近來忽失金碑穹

金虞仲文碑在  
寺左已磨去矣

千年遺物尙磨滅有質易壞空無窮如

今相別十二載萍蓬飄亂心常冲我行使閩半歲返重  
來清話渣滓融

琉璃河

六里河名記入蕃

宋敏求入蕃  
記作六里河

石湖詩裏看飛鴛偶來

憑軾橋頭望惟有輪聲雜水喧

十丈橋邊豎鐵篙兒童走卒鎮喧嘈留名倘合王公意  
送與墳前翁仲擦

聖水涔涔逕廣陽來從上谷合流防不須秋礪頻陳狀

新築橫橫幾里長

王暉有請起蓋良鄉縣  
南昌子河橋渠事狀

日中空影沒前灣今古誰分忙與閒我自官程閩海去

雪橋無處弔文山

文山集有過雪橋琉璃橋不知雪橋所在矣

南北劉智道中

昨夜雨曉行官涂踏溼既溼又復滑輿夫盡級拾中  
坐心匪安誥誠足須戢顛躓憑爾曹至險在平隰我行  
雖百艱喜見稼成粒梁仰而穀俯蒸變元氣入美哉雨  
師功莫使莠草襲田畔慎勿躡辛苦護蓑笠王事不憚  
勞豈曰懷靡及前村重重樹招我菱涉急雨具我僕將  
未惜衣霑濕笑彼荷鋤翁屋漏不暇葺

劉鱗橋用王秋礪劉豫祖墓韻

傾巢卵無完閨運嗣不棄行過劉鱗橋豈必滿人意方

金立豫時刻木居士耳無鱗與角龍鏡妖偶然遂二子  
名實之一朝僞卽位往年讀書處無端忽相累至今御  
莊舖及此橋莫廢瀟瀟雨聲來度橋阜城地海潮寺相  
望平野遠浮氣回頭傾簷鐸亂草沒石砌劉侯此大兒  
存日擬稱謂小兒亦名角何竟不彰穢踟躕久橋上一  
晒蜉蝣世水流自東西何與卿家事

平原懷古

四君氣燄七雄侔屈指差應趙魏優漿賣竟傾公子座  
躡行空斷美人頭故交勝所寧教出下客毛公不早收  
極目荒村半草廬一時珠履跡無留

平原君趙勝

共言曼儁總諧諛欲溯流風竚道隈戟外人傳綠幘遊  
筵前天嘆黑雲來通衢甲帳焚空說當戶庚星芒未頽  
絕妙好詞無處著遺碑合稱夏侯才

東方先生朔

承明著作代猶興太守新符神雀膺經術允爲帝者傳  
剛方難濟小人朋解衣不畏光威震取藥偏逢游贊能  
莫怪親踈白黑反至今祠外亂飛蠅

平原太守蕭望之

斜日荒城剩古祠漁陽鼙鼓動當時上皇不識驚名姓  
長史親傳照版碑舐血無疑兒反恨賜書當死賊何知  
不須競說公仙去野老能言魯太師

顏魯公

禹城界上遇雨

畏潭待晴發紅日烘壁土戒僕馳四十尙餘二十五黎  
吉寨薦瓜且食行且吐墨雲當頭壓風急捲橫兩白點  
射輿夫發若萬鈹弩連朝旣積潦一踏汨半股八人手  
上插百足僵不住使者坐中央蒙幕類處女與底海濤  
翻飄飄身失主上下水合一中空自仰俯凝作唵哦聲  
鷓鴣簧鬪鼉鼓埤躡固有定溺笑亦何取我從九歲歸四  
十二試數遠遊平生期跡未出三輔今者破浪行陸地  
聽飛鷁反覆判頃刻窮薄命一羽兀兀竊自念忠信我  
非詡將事殊延蹤相之有道祖屏翳與飛廉相譎太莽  
鹵所愁日侵黑夜行火不舉夾路柳上蟬高鳴覺人苦

羨爾雙翅輕愧余四體腐屈指鬲津橋數里二十許王  
程既匪迫官原亦孔庶適館卽酣睡夙駕勇再賈

齊河橋用明張剛孫韻

河濁濟則清東流導沅水始自棘城西得名有至理齊  
河南張村首授其北尾宋曾鞏築橋東門跨漫瀾徑南  
達諸道壯哉帶百雉道士張潛昇幕錢朝到市重修嘉  
靖年九縣奔役子濤聲吼驛館乘傳直於矢何不長連  
城夏渡亦休止

六月潦甚出城  
仍乘小舟上橋

長清道中

大清橋口過齊河子固修城總不磨自此博州通六驛



無名錢却宋時多

近山路細石纖纖村落多依碧  
蒼蒼十丈深溝白楊樹  
蕭蕭響入馬雙銜

沙痕粒粒小穿灘深不衝泥淺不乾  
多謝山靈爲泚灑  
翠嵐仔細豁眸看

卓記猶傳野陌頭不持蕙苳徑歸休  
無端欵段違鄉井  
我本平生馬少游

余兄仲君會官此縣  
移疾歸十餘年矣

木鷲

行行度土門坡坳踏石磴高楊一聲  
啁軟熟頗可聽初  
如小兒戲鳥語蟬韻賸又如風箱抽響  
或隨之應更如

紙薦繫籟入竹空磬薨薨引難絕轉轉上逾逕緝蠻比  
已陋格磔差較勝驟入耳真咤急取目初瞪僕夫指其  
狀身小寸則稱厥名爲木鷓跳躍出田稜黑疑鷓鴣雛  
巧囁足相證雖未能人言竊韻亦善伎勿輕彼羽薄動  
人聆已定倉卒山間嘯行道或停乘羣兒太無知爭羨  
神思凝我過若不聞雙柑索清興豈肯爲爾動爾計殊  
悽悽爾雖舌弄人飛鏃防爾釘君子當勿好慎哉惑聽  
瑩

泰山

乾隆歲庚寅開科使者出余奉福建

命六月十九日來莅於泰安登嶽志專一自從過禹城  
晏驛眇鬱嶮渡濟入長清山水互林樾兩日望東嶽當  
面傲來拔特立藏神靈近縣旋遮遏巉巉作外障人指  
白雲霽曰嶽在其間我仰苦飢渴是日稅驛館有事嶽  
廟謁惟神古三公昔狩至二月曲臺禮考記藏壁書間  
闕七十有二君十二夷吾說到今崇廟祀宋金留穹褐  
大中祥符二一宣和剗廟楊億與晁迥宇文粹中筆一  
碑錢昌言奉玉音來閱罷醮會真宮勝遊令丞挈偕祠  
官道士欽承及彥弼謁觀留蓮池拄杖龍潭掣社首視  
禪壇小飲翠陰歇時巳亥九月宣和紀行札字跡挾飛

動黃米或髣髴金禪廟重修楊黃黨相埒摩挲四月字  
年號已漫滅亭下闕環咏朱蹟明所揭漢柏與唐槐東  
西態橫逸千歲神始全木與山比骨展祠告將登復館  
致齋潔盼嚮肅方寸遊眺思飄忽詰朝天未明戒僕山  
輿發出自仰聖門岱宗坊有截紅門小院坐棗棠倚竹  
築窻外泉琤然萬仙樓轍轍前躡老老橋學仙力据拮  
通此桃花津標空水簾刷連滴似雉鷲單響疑駝圓歸  
嬉與郎都鳳與凰頽頽衆鳴入拊奏妙出泉韻憂東職  
經石峪中有靈寶訣山水斷塵路百鬼夜集搗瞬息不  
得上玉廟坐茶喫負樹面西北衆秀撲人喝打頭橫空

暎亂峯錦碎裂此去回馬嶺遊者逃蹙躑橫板建釘鞵  
賜出宋綸縉左十而右九峯石愁不踣黃峴幾頓前二  
虎廟當北一捫汗漂漂再想毛栗栗孤厓盡力聳陡然  
自局結外山與人附內山與人絕五藏通百骸授受關  
氣血眼中天上境無路自悽怵振衣千仞望中有豚一  
髮盤空蝮蛇路快活三曲折村舍固儼然井竈紛埃繡  
一樹兩三石雞犬上雲物便斂小天門御帳坪鬱鬱往  
時真宗蹕柱窠餘斫齧飛瀑落雲際雜遝拋珠屑泠泠  
激膚竅五松亭爭苗前谷一處士獨立徒衆率揖拜態  
仰俯羅侍凹與凸方生旌其隱不慕秦綽楔祖龍五大

夫一官起本岫後人學種五狐疑太無術千年表若桑  
垂老橫遭伐數里夜聞泣竒香一片蕪空令後五株樹  
神私據竊北一株孤上一斜撐搨搨兩肩岐出抱似防  
一醉跌中橫一株蓋一株背手捩畏壓西走避一株小  
不屈五株一株似向背聚都拂寺榕霹靂移宅柳柴桑  
榻如偶同俱傳得地此興勃百丈始得崖天紳曉洗笏  
朝陽洞石潤砂暖乾秘醇石笋篆雲根一觸沛而淳徐  
徐危磴轉松徑踏艱琬亂石縱橫上松怒出罅艸松怒  
石亦怒鬪罅泉沸澤聾耳并眩目聲色杳意必罅又吹  
吹雲如煙白於雪到首不了青抽纜引軋軋雲泉石與

松繚繞無起訖人行此下上對此心欲活山名曰對松  
一舉衆妙悉小龍大龍峪環水風送颺龍橋躡如浮仙  
影吹之映鷹愁陰頽洞石壁直削剝水真天上來唾面  
湍粉汎股息兩強奮仰爲天門慄白白一段練不動不  
橫澗直視掛高空一絲一級子曰此我將上境誑難理  
奪靜思我無身十八盤盡撒昇仙橋下視至巧乃由拙  
飄飄無何有到此身始失如畫重累人如窺天從穴馬  
第伯善狀履虎咲不啞此盤又十八雲梯未充卒或云  
梯亦上千百直突兀四顧更無語輿捨鐵索叱精進得  
步步足力吾旣竭直上休者七十人羽衣氎迎我登天

門靈液解道喝其年備

東巡嶽廟新栴窠專官祇飭工飛革雲日切萬夫荷餽  
甕上上起埃坵既授別館餐殿觀歷轆轤僮僮碧霞廟  
銅碑萬厯末離婁與高禛神道陰教設列縣走季女手  
摩字深沒至柔剛爲摧拊之甚剝刮侍從萬玉妃嫫媿  
麗媼媼越哉真靈官珠珮垂拂膝嶽帝正面坐冕圭重  
桓驚祠背唐宗銘磨厓獨未佚斯焚頓滅壞漢唐此尹  
媿皇皇我

皇言天語仰穆洊與茲嶽無極黃雲抱崒屹讀之謹稽  
首玉皇頂緣岳中央坐天帝真人四偉傑穹蒼覆瑩棟



呼吸垣座徹庭平拔葢石巖額端表臬此泰山結頂遠  
巡目敢褻却立一決背羣峯忽逃脫豈獨衆山小更無  
一山備乃知老杜陵絕頂原未達於戲古岱宗言之必  
以質當前秦立石山之巔岫岬暴風雨竟上祖龍天不  
抗其下青帝宮靈威仰孔烈東謁孔子亭小天下一瞥  
如池浴搏桑寅賓日觀晰望海與捨身天地空擲擦東  
方萬物生混茫蕩漻沈眼中萬古青正色一何謚回身  
飛鳥下四十宿館驛五嶽登其長吾遊真冠絕惟嶽受  
命告封禪談恍矧天臍地形擬天孫神系絜或云寅丑  
間天門良震闌又言蓬元居洞天天帝窟惟嶽則配天

稱天義包括真形歲圓姓寶符霞玉節感生太昊佐施  
兩崇朝決司命蒿里迫成功梁甫匹諸家紛異論雅馴  
遵古述

國家奉明經所司儻獨吉大事專官告庭碑比於櫛惟  
德曰大生

省方稽古哲行慶與施惠勾芒意無闕茲嶽雖一陬主  
春去冽溼葱蔥三山氣要使四海沃我役有期限眺覽  
苦竭麗登高豈能賦賈勇登薛達體擬南山詞韻赴北  
征節何用勒茲山口惟紀遊實

泰安道中絕句

山外良田百里平山查樹繞小村生此間穀子黃垂穗  
聞說神麻嶽廟成

汶河渡過嶺盤龍椽樹齊齊綠葉濃

食椽葉蠶絲爲繭

不斷草

間蟋蟀語似催山婦繭絲慵

肩輿右面看徂徠碎石連峯若蟻堆齊俗三千祀已舊  
松芽無復嶺頭栽

此間流水亦清佳表道欣看小棗皆憎爾當頭橫石渡  
輿夫又喚脫青鞵

花馬灣東出淺溝面前山說是牛頭何關當日梁邱據  
臣首相看淚不收

五里黃花嶺近前

自花馬嶺五里至黃花嶺入新秦界

將之新秦却留連

迴頭絕頂雲中戀已結名山第一緣

### 宿羊流店

羊公昔喜名遠里至今在背當蓮花山風吹亂崔嵬碧  
泉瀉平坡四出何所滙風景信清絕斯人故磊磊竭來  
登峴首有淚出如海刻石一置山一沈漢淵淮似欲名  
流傳恐生不我待人生亦偶托所托忽又改惟有德者  
能超出吾形宰偉哉公之人所喜毋乃猥不知人有情  
見或相徒倍平吳功垂成嗒焉匿光彩遺愛了不計此  
事付元凱折臂非所難鑿墓亦何悔敵不疑吾醜厭世

若疠癘一朝從此逝斯人庶幾始獨怪鄰家環兒時索  
每每魂魄豈戀此此間又千載我來似相識行弔羊公  
壘低回太傅量空雲尙靄難近來忘名念漸覺同無賄  
傳食卽酣卧得飽且無餒

敖陽嶺

行行新泰路青雲挿其旁綠樹綠到尖上合團團蒼敖  
山在縣東名古齊人詳彼蒙若長蛇蜿蜒西南方營荒  
奄有龜龜大掩魯疆山色今猶昔遇人夫何常我來四  
顧盼宛在山中央前頭橫一嶺厥名曰敖陽十夫擁輿  
上流汗走欲僵此信足言險步步相扶將飄風劈面來

不大亦不狂驚沙與之俱微微若簸糠北人苦雨潭塵  
動喜欲翔平岡試長嘯思騁千里韁昨從天門來餘勇  
今猶強下窪入蒙陰赤埴平無妨

住佛嶺

過去常緣村來上住佛嶺我佛何所住卽住識行靜東

西住佛墩

西住佛墩在嶺西五里東住佛墩在嶺東五里

未住行又請我行不

得住天風吹輿影且住亦復佳何人得猛省嶺邊小黃  
花住此畧較永花開行客行急疾過俄頃曾不一迴顧  
花意無言冷人生如嶺上豈無暫住境不住亦無礙住  
如不住景我來見此花一笑相會領

發蒙陰縣遇雨

我自蒙陰發晨光亦陰陰昨宵此地雨塗潦亦已淋如  
何山雲出鬱勃猶噎霧行行無端際倏忽滅翠林一從  
苦雨餘顧之驚我心須臾瀟瀟下并一牛蹄涔輿夫足  
不前泥濁沒髀深欲改踏草去蒺藜尖於鍼出草足苦  
刺入泥足苦擒一出入間顛躓相爲尋輿夫日渡河  
河廣渡不任輿夫日上嶺嶺石滑峴嶽上亦不易陟下  
亦不易臨俯仰嗟雨來雨乎何其濇屈指月幾望七日  
晴所欽紅輪岱射頂何惜茲霑襟竊計五日期舟行不  
畏霖雨乎太相愛逐我輿駸駸安得焚輪風吹破東蒙

岑大田亦已足曷取更作需我已嘗艱難無爲行客吟

寶德河

蒙山雲如炊雨沸寶德河我興從此渡馬沒旋毛窩道  
元注桑泉堂阜溪逶迤下流合蒙水東北隨沂波此水  
出蒙陰入沂行盈科葛溝其合處與注無差訛漢瑯琊  
承宮嘗隱山之阿人認黍不競樂饑意已多到今水出  
山洋洋斯人邁我來問遺蹤雲氣如疊羅世途情僞百  
相忘或可過安得居此水飲沐養致和

發堞村驛

出驛度平岡遠山隔濕樹東蒙雲漸收一峯尙微吐日



出喜兼愁雲散時復聚陸行淖誠艱何日船問渡此地  
古東鄆前近瑯琊路昔者聞齊侯放茲遵轉附欲比先  
王觀睂睂名人怒我過泰山側值雨程屢誤僕夫旣况  
瘁肩我行泥汙一跋或一瘡喘息敢狠顧官程有期日  
前發須急赴囊粟不充腹飢驅載我度雖亦選錢給口  
衆錢有數累汝真百端得住亦欲住我輩一乘傳奔走  
已若鶩乃知行路難大役伊可怖計里四十五雨勢休  
趁暮青駝寺邊宿來日晴犯霧

望沂山

沂山水出名西漢作東鎮茂陵祠在泰山卑封未嘗隔

嶺詢土人盛稱山靈震立廟走禱祀神次碧霞僅昔此  
宋藝祖韓通闕非數老拳交毒手走北衣棄襪石姬收  
藏之遺像臂衣認艱難出微跡畧異斬蛇刃彤彤赤峴  
中竟使冰雪殉史失同歐傳野志或非擯再傳天書孫  
誑語天諄諄列仙下天門牽犬同不信

蘭山懷古絕句

夏翟名存蚪壁書黃熊神化羽波魚江郎有恨紛紛說  
不賦沈淵遂古初

羽山

相公莊傍管林開此地曾生天下才堂阜溪流沂水合

更無人抱膝吟來

相公莊

先正遺言古昔崇季孫斷碣未磨礪神峯鷹隼今猶擊  
未必當時莒僕同季文子墓

啟陽城記魯哀年後漢琅邪徙更傳怪事東都門第一

此間一柱上飛天

開陽城

蕭蕭土隴近墟鄙廢死猶應荀孟稱莫易著書論性惡  
路人今尚曉蘭陵荀卿墓

偶然賣藥海東陲意滿秦皇死自疑三日阜卿亭外語

更煩皇甫傳安期

阜卿亭

一時相送蓋兼冠祖道城門熱不寒亦有懸車徵古記

却令人說二疏難

二疏城

南武陽傳墓闕銘宋時猶及漢碑青章和立後元和立

亡失今餘搨濟寧

南武陽功曹墓闕

孝河名以卧冰名丞相遺居尙近城更有右軍浣筆處

風流王氏寶刀成

王茂宏宅

香林館又雨聲軒無限池臺金共元不向城東池上望

蘭山小有寶山言

### 徐公驛

青駝二十里徐公嶺過半上嶺復下嶺驛馬中間換肩  
輿不留行僕夫面已汗連坡盡荒草石田草中亂此間  
山脊乾不雨常苦旱我行咨暑雨對此轉生讚幸茲梁

菽收水絕天與灌古人稱逢年用力必無翫更從悟強  
恕人喜我勿歎西北風何來推送健雙胛下嶺亦不滑  
高高睇前岸

大禹厓

欲攀大禹厓且入大禹村天然萬石一百丈難手捫羽  
山咫尺近神子留淚痕無心與開鑿混沌古石根自從  
岱宗來斬絕關天門茫茫跡何極厓斷江河噴我來廢  
然喟無路心墜惇四人挈輿上四人爲之援上者肩盡  
聳援者似足蹲下足當石僵齊力同一跟我身騰而上  
飄若凌風翻迴頭南北顧衆山跳兒孫便欲拾拳石永

作夏物存何必鼎與璉貴重費討論

半城

半城當嶺盡卓午轉村窩山勢收東國沙痕走大河田  
鋪新雨足目迥捲雲多三日清江近扁舟欲放歌

刈稼行

立秋九日人刈梁赤日曬背橫鎌長梁猶未熟且須刈  
縣縣爭喚捕飛蝗刈梁切莫教蝗食粒粒三時辛苦力  
蝗食梁時人食蝗相尋亦復誰失得灑灑白露何時傾  
食不熟梁尙可生若待梁熟蝗來遊使君將吏踏隴邱

渡沂河

沂河沂城東重源沂水自其又載禹貢下邳通淮泗  
說出尼山舞雩風浴次新泰亦有城武陽水同謂乃知  
山下蒙殊出同一萃我行臨水側坐輿以舟刺遙遙想  
禹功超超發點志異績何足辨但見流湍湍此間當夏  
秋山水疾於駛傾刻溢斷行官書或留滯我過得穩渡  
若有水靈庇二鼓李家莊登岸卽安睡

暮投李家莊宿道中絕句

鼓勇追程百二加

今日青駝寺發  
行百二十五里

愁聽徹夜雷聲嘩來

朝無雨江南到迅看雲師掛晚霞

沂河船外已斜曛驛馬齊來暑幾分十里渡邊蓮葉小

李家莊宿月開雲

樹影重重綠暗成穿林頻促僕夫征莫誇余役無辭瘁  
道左三牛趁暮耕

二十程休午半強底須逆旅倒行忙他時穩坐燈前話  
此地今宵最不忘

望馬陵

早發李家莊北望馬陵山連峯搖鬣動勢若羣馬奔此  
山北亘沂其南通宿遷躑躅幾百里在昔琅邪傳齊初  
與魏戰贖足制龐涓滅竈出秘計燭樹飛矢攢豎子名  
則成會憶同師門鬼谷著抵巇其徒遂相殘豈如鄒孟



論他斯取友端魯敦而齊薄其風古已然後雖合爲一人一派各分取魯不取齊吾意固有專至今止山峯片片利以堅過此不顧去恐傷師友恩師友果可已其他吾難言縱汝峯如刀難破團團天

鄒子宅

蕭蕭鄒子宅秋徑老荒榛官制聞來鳳經文載獲麟胄華高祖世國固聖人鄰殘碣茫無在非同苦縣新漢苦縣老子碑問己亡今皆新刻矣

傾蓋亭

傾蓋亭邊過斜陽轉柳陰聖賢相得處今古與交心詩

逸抽腸賦琴瑟流水音遺篇文子在七畧費推尋

天齊廟

天下喻訖背齊曰天之膺泰山地腹中出母兒初啼長大作宗子結蒂崑崙西後來祠東嶽廟額天齊題郊故此琅邪茲祀神則棲何時崇碧霞上元生羣黎又云古元女東救軒轅迷灾厄叩頭乞乞子搏沙泥此皆道士說奔走癡耄倪幾令岱宗公舊次難攀躋燔柴則曰天升中禮青圭感生靈威仰震帝出攝提經緯甚分明漢學人貳携他家反橫入陋語真無稽并談不見天誰爲撥雲翳偶來窺廟門碑頽半節低捫碑不卒讀去去我

馬嘶

曹村

頭上不覆雲，遠樹濃無日。綠蔭轉深黑，映此金碧逸。此間此景絕，蝗少差安吉。柿林密密栽，高下陰成一。村雞樹根啄，兒童見天質。佳哉何必奇，良遇亦難必。春水桃花源，源空想忽自失。我歸當十月，及此看蘋實。

重興道中

數弓分得小園成，梨棗秋來筐欲傾。卓午晴曦風處坐，此間真合畢吾生。

缺圍以竹似防危，敝竹匡牀雅近籬。若使飯蔬兼得笋，

千竿老住大江湄

夾道垂楊線較長  
人行欲度意先涼  
麻澁擔子村邊見  
畫意圖來總不妨

懷京華及門諸子

驛漏催人覺五更深  
慙吾輩易鍾情  
每懷太末仁王裔  
欲稱平陽才子名  
曲相底須滯以麗  
經師終是博兼精  
落紅流翠關誰事  
所過山川戀又生

右徐后山選拔

昆

執卷如雲散亦煙  
離師不反子真堅  
講帷待余時猶早  
文訣歸卿業獨專  
高格會當逢旦月  
久交不覺感流年

越禽燕馬今惆悵可憶中廳西角偏

君辛未秋來從余遊讀書於余舊屋

之屬西小軒中今廿年矣

右楊雱泉明經

師會

劍氣爛爛出舊鄉

條甫祖貫越人

長安遊跡憶偏詳盤根往日

先藏利脫頰頰年漸處囊入世有稜非易斂事師獨摯

最難忘遙知釋褐題名地且擁臯比坐講堂

今年當補國子監學

正

右徐條甫學正

立綱

欲殺吾憐總未休甚都猶爲百綢繆馮生文史偏多恨  
劉氏心裁竟莫收燕市遊來稀酒客闖行壯絕憶書樓

憑君檢拂殘魚蠹有意名山著作不

右章實齋副貢

學誠

問奇載酒喜經旬千里君家亦有因畧覺詩書須字識  
忽驚師友倍情親荒關雁外禱時寄古寺蓮間文細論  
天末涼風勞遠望莫教地上走麒麟

君家代之各族世  
世有集君卽余友

君弼比部  
之從弟也

右馮



上舍

廷上

十七年中別幾番花前雪後數寒暄觀山堂侍眠餐善  
思補齋餘晏笑喧樸質真思歛不損澹情還重菊無言  
下帷肯出吾知子三徑歸來定候門

君侍尊甫先生來  
京師余題其堂曰

筍河詩集

卷五

觀山堂

右汪君貞上舍 元勳

聚爲骨肉別魂銷十五年來豈一朝四百省親期喜近  
子嘉六月下浣自太原歸保定省其父 六千奉使路嗟  
七月反晉去京四百里不得一晤也  
遙晉祠水逝伊人在閩嶺霞歸我馬超遲爾春明連夕  
話不教縣榻感蠨蛸

右蔡子嘉孝廉 必昌

早年清妙澈天機謹慎渾忘是與非書尾烏知談白馬  
看花不敢賦紅薇事師至久原無閒愛弟惟真竟入微  
僕本洪橋重子托大雷書到甫言歸  
君有姊在蘭溪亦  
嘗受經於余使過

浙東君有家  
書屬寄之

右劉樸夫舍人 謹之 兼及存子編修 種之

風鑿塵埃我敢居君家自是舊詩書芬芳聊樂思芹後  
青紫還期拾芥餘有母嘗羹流莫枕無田負郭硯當鋤  
蓴鱸思發姑遲去做館原非夏屋渠 謂主人非不承權與者幸少安焉

右尙仲美秀才 元坤

無語從君韻轉深別來祇覺意蕭森長貧逾貴人全玉  
苦瘦何飢味得琴碧水真思卜潞宅秋風或慰種桐心  
今夏參之置屋數間於潞河之上種桐二株植花其下 歸來携手寒郊外得句多  
於落葉林



右高參之上舍

文潔

若憶椒花痛飲會我行主試爾賓興戰場感子驚迷目  
醫說開予悟折肱莫慮雪詞難屬和定知火色自然騰  
近來文與書兼擅有酒歸歟賦單烝

戊子秋闈虞卿卷  
在余房屢欲呈薦

竟置之今出典試益  
不敢以輕心掉矣

右張虞卿上舍

世升

雨晦花明杯共持宇衡來往數無期自余行遠居纔索  
如子情多別漸知拂日終騰金鯉色依人不定雪鴻姿  
櫻桃斜巷新移竹綠到冬初幾攬思

余臨發前數日君  
自余對門移居櫻

街桃斜

右范叔度中翰 鑿

幾年翠竹碧梧中  
味外酸醎差覺融  
去日蟾蜍盈案淚  
別時楊柳隔山風  
君與叔度送余西山  
二老莊巫夕始別  
持竿及線真侯  
叔得髓兼皮似可公  
獨角麟遊萬牛隊  
子如慰我漫從

同

右史文量孝廉 積容

別後三旬刮目奇  
八年雙鬢憶申之  
十圍腰大昭明似

千首詩翻斯立爲

申之作文太易故以  
蛟螭雜螻蚓箴之

作字定須臨學

士論文當不效宗師

唐元和以後  
樊文瘦澁

瘦兄好在爲傳語莫

對荆枝相用皮

昔有兄肥弟瘦爲梯之說  
曹氏伯仲友愛故戲及之

右曹受之孝廉 錫齡 申之 夢齡 兄弟

英英早見碧琅玕強記還驚書亂攤情合偶離逾覺美

質成不毀始嗟難盤山假館長篇健圓月懷人短屋寒

我到舊鄉頻憶爾空遲堞吹過江干

君從兄廷機余同年也時爲廣文在

浙東不及晤故云

右莫遜之秀才 與儔

瑜珥蘭芽早識君草亭問字近相聞兄柔體慎金風入

弟朗才驚玉嶺分忽化仙身呼白蜺

入聲 潛揮別淚向斜

曠慧情強半文人業恰稱南朝蕭子雲

右葉孟思 世綸 子雲 世倬 兄弟

北堂奉母罷朝茶手抹殘編過我家暇日幾增丹藥本  
去時猶坐紫藤花候風名父悲歌在浪跡從兄粵嶠遐  
何計池塘一發夢歸來八月趁仙槎豐蘭從兄潔士藻  
遊粵東官所前科  
竟不歸應試余出都  
時猶未還京故望之

右韓豐蘭童子 沅

筇河詩集卷五終

笥河詩集卷六

大興朱筠竹君

庚寅下

唐店道中隄上望沭河

紅花江南入三十到唐店隄外河曰沭南流波灩灩此  
水與沂比下走沭陽覬青州山曰沂其浸沂沭驗我行  
循其涯前程峒崕占秋風別北雲心追南景艷今夕宿  
遷宿水程來宿念前頭抱馬橋此河東泛瀦極目何荒  
荒北近南尚欠黃河崑崙來飛渡拂橫劍

峒崕山

峒晤古鍾吾故鎮尙隱隱我來饗與殮二驛茲山近

紅白

花埠驛至峒晤驛六十里峒晤驛至鍾吾驛六十里二驛並隸宿遷

劉馬莊三十樹色山

巔韞形如偃餅蒸中肥外起墳漢乾祐戊申忽發唐將  
憤皇甫出沂泗羣盜行拾攜招納淮以北得計方一听  
成德欽敗之搗碎等并黷乃知地利險亦要師律謹汲  
潛水重複忽集突兀坐取之信可啗敵意乃合路笑看  
鯽角爭不如兩蠲忿

駱馬湖

數掠馬陵尾右顧駱馬湖馬飲河腹滿有時吐其餘減  
水壩在下出內河之梳亦如梳馬毛其行自捲舒六塘

亦近之通漕供倉儲賦艘來東南水櫃佐轉輸側聞廟  
堂土刻石宏遠謨此誠闕國計制用耕畜初粒粒豈易  
致守穀夷吾書古人防菜色亦有非常虞運之川則利  
減之倉勿疎

宿遷縣

鍾吾子吳執楚吞更秦餉三十六郡縣此在猶下相項  
籍生其里取代絕不讓荒荒戲馬臺尙駭叱咤狀文叔  
併省之宿預義熙創拓跋南徐州自宋泰始喪沈陵奔  
梁攬湛珍降魏掠六代幾沿革及隋名無恙唐初泗州  
治後作臨淮障自從倣名更此縣疑觸妨代宗寶應初



到今宿遷唱恒名既庸庸異人亦曠曠地亘山東隘勢  
撥江南浪水陸嗟壯哉莽野憑一望

宿遷雜事

宋依魯逼兩俱難不必辱亡齒自寒遷宿更封原故事  
諱名借取縣名冠

奢尙門庭忠孝求伍員里說近桃溝不從桑梓歌恭敬  
却去他邦伏屬鏤

三里蕪城直運河沙門毘子項遺多八千都作樗蒲戲  
不待雞鳴聽楚歌

會稽大郡浙東陞別墅臨淮似可疑何事朱山下相社

鼓吹喧絕相公祠

曲罷明君顧影傷  
路人更指石崇倉  
錦園金谷渾癡絕  
况此終朝播粃糠

夢仲君兄

烏帽迴坡抗去塵  
臨辭握手獨悽神  
無生端學真如處  
歎血何傷示疾身  
不必萸杯頻遠憶  
偶然蕉夢忽沾巾  
月殘驛靜披帷坐  
黃髮相期第一人

入桃源縣

縣本宿遷縣之桃園鎮金興定初置淮  
流縣屬泗州尋廢元復置桃園縣後訛  
園爲源也

武陵桃花源昔賢歎莫從  
良田記秋熟此地名偶同金

鎮元置縣桃園河近崇

崇河在桃源縣北四十里晉石崇立倉開河於此故名

音

轉訛爲源恍惚神仙蹤我興出其間梁豆看芃芃計日  
可築塲歲收幸無蟲自從入蘭山宿遷張嶺中北向螳  
走地密布如蟻蜂竭廩三時苦立見穗穗空此間蟲若  
掃艱哉歲獲豐豈真田祖神投炎忽一烘火日燒背耨  
喜氣徵畦翁我亦開口笑水程來日逢從此指浙閩直  
到天南東但願到處咸此歌田功使者乘傳出疾苦  
當採風歸來及吹幽庶幾入蜡通

古城驛

蕭瑟古城城云是季倫築當時鎮下邳餘貲分金谷綠

珠或借來淮水映亦綠如何佳麗處風茂土轉樸行行  
仰化集中有素封屋縣令假館留問氏我同族寧名康  
侯字義取洪範福德蔚堂中坐二客飯不速曰去五里  
近朱笈有兆域翁仲守四碑一斷三可讀一隆慶建儲  
恩勅寫花軸一賜祭萬厯知府捧來肅曰告某官笈饗  
茲酒茅縮神道碑又一侍郎竟不祿戶部薨於位李文  
殷所錄中極殿大學士李芳春撰我手一摩挲所遇姓  
又屬乃知適來頃一事會茲觸生死真適然貧富計又  
足此驛方坐奕且了今日局

魚溝鎮

桃源三十七魚溝當早飯從此入清河浪石十四遠此  
古金城驛孔道叠球堰安東淮入海清流支所本元時  
黃决汴朱仙潰鰲留城趨徐邳清河始混混喧客忽  
爲主受益轉得損明萬厯議者老黃澹管鍵桃源三汊  
鎮魚溝浪石村從此東安東欲使故流返此計爲其難  
驚聽何響響齊人延年說高論徒沓樽去此又千百衆  
倡惟喜穩空令禹跡湮九河道成宛我躑躅河間及此  
嘆置建一蟻盜堤初何人塞一畚纍纍鎮邊墓史欽刻  
瑁琬德祐清河軍遺民思繾綣泗州碑在否行弔問毗

舉

露筋祠 甘泉境

掛帆溽雨歇景晏露筋祠葦葉翠風折蓼花紅浪垂露  
行多豹脚天割降冰肌清絕無名氏寧須壘白碑

舟之江口却寄程舍人魚門

前宵過六月江上暮全秋潮水推波重蟲聲出草幽雲  
煙迷鎮口燈火隔揚州回首停橈處伊人不可求

潮

百沸抑還揚如聽雨在床寧知江上水偏向夜來忙暗  
脉浮京口微波撼楚鄉錢塘渾未到已覺廣陵狂

渡江

我家百年方在北見水名河江不識此行直走江之南  
瞥過黃流看江色邗溝南邊小泊舟遲我故人不可得

謂魚門

四十油聞雙樹間隱隱天明解纜亟參差紅船遠

近來捨舟登之傅我翼平生耽遊幾成癖對此茫茫曷  
有極底須窮薄始忘軀此身雖重輕亦直一鬣江豬不  
出脊青蘋之末始有力中流風撼波凸坳幾沈而浮僕  
僵直江神知我故好奇爲弄濤頭出不測自知險易早  
坦然抉破虛空失逼仄倚楫平眸起一嘯千點孤帆鬣  
自織金山欲到風引開折避沙旋要搶勒人世真如水  
上浮危絕成安方太息我行奉使非爲嬉勝處一遊荷

天勅長江小浪茲已諳畧覺驚心翻暢臆他時閒散逐  
煙波江上來窺鏡新拭

郭璞墓

浪飛打船頭回濺射江破我欲往金山郭璞墓邊過景  
純昔賦江博麗恣頓挫爾雅與山經手注分餘唾或言  
巖精化人嘗伺其卧故老云入江下撼金山座出語山  
如蓮莖小承蘄大此論雖誕絕形理妙虛課葬經亦流  
傳青烏家倡和何爲埋水中骨肉自投墮當時樹間巢  
贈衣刑卒荷豈獨死後骸一任付泥淪俗說戒其子反  
語遭弄播又云桴載櫃旋轉如水磨直下千尺安沙湧



墓一箇到今成此山世世仙可賀異說當孰主孤嶼天  
偶作遊仙詩或信茲亦疑塚佐

江天寺

凌江溯古寺拾級揖東君

寺面西余乘蹇至此

水石誰爲主江天

兩不分浮來忘峻險喧處悟聲聞小閣僧茶罷閒看龍

掛雲

是日江上龍掛者  
五大雨兩日不休

登金山塔

金山寺塔成何年頭陀開山荒不傳唐宋詩人語絕口  
六級盡盡穿江天山頂一洞二亭古留雲吞海裴公連  
此塔後出前代建出頂四級天無邊寺僧導我眇其下

縮足不進公請前波濤打脚且少坐此地已踞山之巔  
佳處得住理亦近技癢思趁塔頂鳶起顧我僕一從上  
三級四孔風相牽泠泠可御一笑喜僕指席蔽遊人旋  
叱呼撤席勇始賈繞梯猿捷謂我儗四級瀾瀾人覺遠  
五級蕩蕩天爲緣浮身何意忽到此視聽擾絕心精專  
亭子脊瓦畧可數垂手似欲摩其顛翩然更上第六級  
蓮花頂坐如來禪仰首作禮感金粟眼前色界靜大千  
茲山昔云浮玉是得金布積山高騫周窺環隙俯危檻  
不見山影惟空圓東南海門正深黑滄溟名稱嗟神全  
營營癡蠅附匹練飛帆直自廣與川呼吸警欬沉瀝合

兩瞰夾岸山蒼然江天如此我生滯無由獨化追飛仙  
偶然清遊小快意片刻亦覺心安便久留不可吾且下  
役役去放丹徒船

裴公洞

塔鈴不聞語寂走穿樹霧昔號頭陀巖今闕裴公洞開  
山此得金賜名鎮使諷不知金山名建中久傳哄韓滉  
總兵來豈待李鎮送唐書據已確王記談尤中說見王  
地穿穴一經過碣石孟津開山裴公洞五幽幽石門  
記闕古苔封破甕此中金幾何得酒吾心動

觀音洞

中泠泉上天人間不得飲觀音洞中來石瓶乞餘瀋踏  
磴上窻窳九夏毛孔凜濕葉墮滑履黯黯入無暎江潤  
石得氣古像失故鏡側睨似憐世斯人魚鮪淪擲身波  
浪中何處得席荏我來亦役役相叩一噤吟衆濟苦無  
涯獨立喜自審前頭鵲山石善財名藉甚鵲來打石頭  
鵲去石酣寢

鵲山在江中與洞相望一名善財  
石曰鵲山者以野鵲常棲其上也

### 玉帶橋

橋名從何人學士留玉帶當時老蘇公此處數停蓋一  
朝欵老元千偈風翻貝機鋒戰則勁中交鼓動檐日我  
師攻師斷可功成蔡長老笑而答此坐讓何害我難公

卽解老僧棒喫大公慎勿擬議擬議玉帶丐公笑首肯  
之獅吼出狼狽公擬議未發帶送已無奈髻乎真濶畧  
此髡亦狡獪永永鎮山門到今傳未艾寺火失四片補  
缺煩會稗珍之供佛前包裹錦綵寶護不發示我手  
捫其外此橋識所由橫石琅以磕俯窺空洞穿激盪自  
洗汰流水作玉聲貪驪下噴瀨

舟過丹徒阻雨懷鮑雅堂舍人

朱方幾曲水環城紅蓼花開舟自行蕭寺經年人獨美  
澄江過夏氣逾清須知綠樹馨香在不是黃昏期約更  
前渡雨聲催纜泊天教相望一盈盈

由來感士賦偏窮俊逸真憐今古同衆論悠悠誰過北  
久居鬱鬱亦思東淚多於酒遊能憶書若無詩業始工  
消息畧從僧問訊

從金山寺潤霖師問雅堂知在家也

歸時刮目對吳蒙

雨後迎春橋舟阻

江南合是雨出產六日絲絲散不縮北人登舟今見日  
吾檻得照笑而莞開船幾步迎春橋水長門低難過闔  
我行得住亦喜住奉使過征書畏簡無端阻此忽不前  
神功誰借臨崖鏜昨午風雷助雨漲人上城頭俯鬱鬱  
今朝杲杲日坐對如嗜乾烘難脫弗又如小蟲渡凸凹  
進退拘身名蝨屨安舟穩向小橋橫未比張良燒蜀棧

置身水面下不能轉類浮魚蒸汕汕賦濤無動驚鷗平  
平視秋波原不懣孰令艤船竟勿渡似爲江東子弟報  
蕭閒屈指送二日抵閩官程近期限今宵且睡說來朝  
日下波流語謬撰我發六月來日六洗車又值牽牛院  
看雨更作豈長留看來半孔真穿眼健僕縱橫陳妙策  
挑泥姑試功鳩僦壓舟下尺從隙過曳倒登登長築版  
此計或就不留行秀絕蘇杭繞巉巉迎春以外草房中  
得過疑驅九折阪歸來重過古丹陽記我愁霖藁自刻  
行使有定尼或止倚篷且盡千斟醜

大定橋圯舟泊其下

三日望塔尖今朝竟過塔其里四五耳風湍憚磔磔丹  
樓如霞書高義天地杳不暇一歷捫茫茫風鶴雜二十  
里陵口石牛雙驢蹋奔牛奔此來幾年角折拉菱涉欲  
何往問石石無答石忙牛更勞俗說浪尊階人事類此  
多靜想忍笑盍前行呂城鎮橋倒大定鬧秉燭柁其下  
夜岸喚聲而似呼行不得崩石落眼確人生進足難寸  
步可許跋卽今平穩處趙趙險頻踏橋外逆水船萬纜  
堆螺蛤我舟石隙過度齧愁聲齡天明試駛溜夾送煩  
雙龍迴頭出自窻無乃喪我塔

奔牛



孟嘉隱孟城臨風想落帽下流曰孟漬奔牛此所導我  
行夏適過揮汗不得燥岸左木坊立考古字誰鑿或言  
七里井巨木塞海澳氣與孟漬通現隱隨旱潦奔牛復  
何說漢池牛出告奔奔黃金色柵斷曲阿到又云逐銅  
牛入土土人諫及今名其地無牛浪得號此間汎與鎮  
煙波漫井竈數十年以前一事雅可道金壇王公澍屠  
肆此偶造獲趙子固硯刻畫在陰輿髡蘇笠且屐犬吠  
村婦噪雨意潤透石端色嫩卵拖題識俞若王  
俞學聖和王濟  
之前蘇而後鑿側刻積書巖何事得之暴後歸吾鄉王  
禍福幾駭悼竟以官易硯守之莫或盜人死硯且賣石

存家已耗京師昨見之至寶真鼎郤嘆息彼尤物昔人  
戒過好偶然經此處振觸感嫉媚衆人之所爭達者付  
一掃乘舟共水行吾意方浩浩

沈懷明

奔牛無牛諺在耳此地聞之宋泰始孔覲之叛由孔琛  
詹事代郡兵初起晉陵義興袁與劉袁標劉延熙同時響應

冠沐猴建成東討太宗遣沈懷明實來奔牛敵軍軍盛

孫曇瓘部築壘初歌或予侮農夫任佃夫阮從何來犀

皮鎧逐刀楯舞人傳狐獠走食人忽見義興大駭奔五

城一城仍未固晉陵又破劉亮將軍俄頃傳聞會稽入

嶠山小船濟何及二十九日醉卽休東關索酒杯空執  
嗟東軍敗奔牛初眈眈虎檻村何如當日大寒風雪甚  
何處巴陵王得書一市之闕六代忙沈郎作傳傳沈郎  
到今奔牛問遺事過客誰談思述字

入武進界弔莊學士

培因

同年

用杜審言晉陵  
早春有懷韻

水色淡於人遭子舊感新海江出後跡蝴蝶夢中春有  
隴堪懸劍無緣與奠蘋父書聞喜讀慰極淚盈巾

### 萬壽亭

循城以南寺龍興有松壓寺驚龍騰舟隨水折赴亭下  
萬頃當面玻璃疑纜而登岸欵門啟个个凍立千竿冰

彤精下燒寒綠禦盛夏逃盡羣飛蠅清風時來柯自戰  
葉底天籟呼微磨肝脾沁透聲色併涼達耳目洞我膺  
曲徑疊石亦可喜繞廊迴互堂初升碧池在庭窻戶敞  
來酌要罄壺如澗樹蒼壁素淨於拭可用槐肩兼胡髯  
出倚虛閣好眺望平流入掌欄還凭行足所憇到穩適  
如此清景消炎蒸行者倦矣行未已快哉聊復冷然乘  
一寸二寸魚若有竹陰垂釣吾當能

舟中見月

今宵七月七村火未全收忽見虛茲魄來同屈鏡浮樹  
煙堆近岸波影換中流別槩咿啞過還聽犬吠舟

入蘇州界

宵寐過無錫第二泉不貪北望亭以北南望亭以南此  
水太湖去舟與之泳涵天明沿清流紅墻亭一龕白白  
道左山光動亂石嵐吳中峯若齒似啟頤與頤舟人指  
師子頭尾毛毳毳北津橋間過滸墅關名諳便去上姑  
蘇間差兩眈眈虎據忽寥落起拂干邪鐔溯洄欲何往  
奇秀想一探招招圈籬底遊味吾已甘

滸墅關

秦求龍劍失越諱虎嚙嫌

吳越時諱嚙改  
虎嚙爲滸墅

地偶吳墟過

舟緣滸墅淹白彪宵影赫黃歇故封嚴差喜觀風去無

煩關吏覘

此關往來頗滯行客

獅子山

一名鶴阜山

獅子山名舊多因形似呼葬官傳鶴阜鬼伯是鱉諸山

王僚葬處

草木驚毛蠹峯巒笑尾鬣六朝思益寺地記好徵

吳山南有落星涇其上思益寺六朝時建

虎邱寺

闔閭葬後十餘年越人發之但空塚至今虎邱寺法堂  
大佛三尊儼然奉生時役衆人力毛金精下藏虎上壘  
祖龍貪鑿更致虎銀池銅棺費太冗金玉鳧雁翔地中  
虛上實下謗詢忽化爲寺又千載法當枯瘦消臃腫

如何吳人風轉侈厥光如火艷錦擁萬賄畢致先廣闕  
百技爭陳到偶俑空令四民間無職秉燭來遊織疑蛹  
賊心盪魄夫爲樂六月不炎走愆慝必有饑寒爲受之  
所好在盡吾其恐古悃愊吏久不聞眼中靡靡茲較重  
九州懋遷摠貨寶一郡輸之無乃勇誰其作者誰救之  
縱使佛來足亦踊遷延笑顧應真虎惟爾不食故不竦

講臺

陽冰子作篆生公講臺名魯國題詩罷生一先後鳴此  
間烏衣宅珣珉弟與兄吳興褚太守過聞目爲瞠由來  
名勝處名流爲之驚一公從何來還山早經行飄搖雪

未寒整飭生與聲風霜集慘澹林岫皓已明斯人綽有  
餘微談愜平生感彼短主簿全宅蕭騷清同時林與遠  
妙理契至精靈山旣懷風別業尤移情俯仰臺池間忽  
喪桷與楹便當息煩暑聽滴泉泠泠

生公講千佛下有千人石人坐之可千平鋪綠一簣團  
團更似蒲阿誰編不坼何時化爲石渾沌無竅隙安置  
臺之下天龍昇雙貉老生鉅鹿生取鉢青園擲偶然講  
涅槃闡提佛性白衆謗拂衣去吳山豈石百以性覺石  
性羣石若稽額無端塵紛墜生去無生宅臺左白蓮池  
到今色色碧人生與生同無生無遲迫如何生生意且



暮臺下索我來據獅坐不講嚮然春

顯德石幢

大佛頂陀羅尼咒南北梵刹石刻標唐人行書張少悌  
偶傳著錄海一瓢燕都寺石我數見西山遠近餘故遼

憫忠斷幢支門脚掘洗髮髯仍唐朝

庚寅春遊憫忠寺  
偶摩支山門斷石

陀羅尼幢也其字畫似歐柳之間唐人無疑惜  
年月當斷處不可見今寺僧移置方丈庭中

虎邱白

蓮池上石吳越所立許氏雕顯德五年歲戊午奉周正

朔比庶寮中國職貢自鏐謹況三傳俶帑物饒南唐勢

賊馬璧假世宗英武天塹超其春靜海軍既克昨歲使

越患海飄諭尹日就當陸返返陸越更巢鷓鴣

吳越世家  
吳越

貢賦朝廷皆由登萊泛海歲常飄溺顯德四年詔遣左  
諫議大夫尹日就等使倭世宗諭曰朕此行決平江北  
卿等還當陸來也五年王師征區區彈丸卽舉族國人  
淮克靜海軍而日就等果陸還盡作周人謠豈知天意真不測顯德龍病檢點邀誓佛  
乘號俄頃耳華山道士驢嘶驕

### 劍池

鑿山苦求劍劍豈胎石中枉使礪削立巉然遭劍鋒石  
乳碎泄泉滴滴清不濃顏公心亦石筆石刀初礪虎邱  
劍池四字字秦法窮石則不辭泐無乃鑿化工

### 石井

張又新品水水品第三泉古石轆轤壞土井味不鮮紹

香江言集 卷二  
熙僧復古淘汰兼煩搗泥剔骨根出沙扣膏微濺四圍  
石鱗皴澈底龍腹便波瀾中自起噴薄流香涎到今幾  
百載石氣清生煙遊客據欄度六月寒呼綿蘿蘿古棧  
棟覆此雙綆懸兩汲一下上一杓吾喝痊

寺塔

海湧峯上頭登之不見海拾級上浮屠六級諸山在靈  
巖與支硎右臂掉崑崙上方指之杪雲昏遠角鯨城門  
向左瞰烟氣盪金綵東南此都會秀色常不改遠勢雖  
未空近景若相待吳越跡已緝往事付欵乃上界鈴何  
語垂垂下遷賄我欲去逼仄洞庭卽爽塏

真孃墓

奇茗一啜驚欲死

吳語茶最佳者曰嚇殺人

曲廊客坐如流水石磴

參差奈百折半片寒碑冷於雪真孃未死虎邱人真孃

死去虎邱魂何事來陪闔閭葬無乃紫玉生前身市中

舞窈莽飄忽花草封棺情兀兀

墓上多花草蔽之

遊人夜散寺

門關消盡吳山風與月唐宋題詩記白米太息神仙怨

桃李朱顏化化秋復春幽獨何須吟二鬼

唐大厯中虎邱寺有鬼題

詩隱於石壁蘇門觀祭使李道昌奏聞勅祭稱幽獨君祭後石上復隱一詩云欲知潛寐處山北兩孤墳今山

北二墳是也

我遊偶寄莊生問鳥飛魚入兩莫關釀熟葡萄

醉幾斗不將來喚真真酒

試劍石

下下去虎邱捫石掠試劍銘金呂君題升卿書可覘其  
年在乙亥元祐黨錮驗當柄執階厲厥頸一劍欠斯人  
題斯石發憤筆騰談下橫石四尺截理斬不黏想當及  
初抽見者舌欲嚙牛馬與盤匱金肉同一鑿飲之石腹  
裂異處石自斂髣髴古仙俠示術若電閃遺痕在各地  
浪使吳稱艷回頭點頭石一瑩何一玷芳臭留遺同息  
汝好名念

五人墓

黃門旣始赤符終獨行公然見五公投惡直如古巷伯

擊奄何必我陳東明堂登異魚腸勇厲鬼埋同羊角雄  
樂府纜歌周吏部慨慷忽覺競吳風

林家巷裏劇囂塵縱騎如飛逮直臣小劫風流舒錦地  
先登火烈佩韋人飽孤毒手讒夫殄集此高播士氣伸  
若訪山塘同穴處婁東石本記猶新

譴瘡鬼用昌黎韻

荒古不良子窟水逃天暉竄入人腹間播弄寒燠威干  
悲鬧醜媚百巧相誑譏穢污從所好禍賊不自非我奉  
使來南不戒中若機兢兢厓水壓烈烈甌火圍所有一  
腔血潑日淋漓飛化作火鞭掣碎汝鬼頂揮又曳爲長

繩縛汝懸崔巍下投飼羣虎強慄無柔撮其間萬苦狀  
汝鬼見亦稀勸汝各罷休久此亦當歸秋風蕭瑟涼蟋  
蟀嘆汝妃兒孫四奔散荒蕪出送畿汝若不信我色褪  
手舞旗何不離臭惡暫且團芳菲作詩送汝行憐汝長  
乖違

江郎道中

契濶情親四月更別來祇覺夢魂驚如何今日江郎道  
又隔浮雲好弟兄

附神南嶺體無分姓氏雖傳名不聞我住北平歌旣翕  
四人中亦有三君

龍游舟中喜彤姪鄉舉輒寄

北榜來江上頻看喜爾成幾年餘積累一代又科名早  
第原非幸娛親此至情先人舊廬近展拜告方行  
莫自矜名得詩書貴久專出頭茲日始汝父本天然發  
軀休輕薄前程要渾全但令賦舊德文選熟初篇

重過釣臺用孟浩然七里灘韻

微月隱高峯江晚翻成趣長年嚴先生見此水東注我  
來七月中直上西臺步白鳥戲半崖俯睇連江樹日月  
何飄瞥及茲又薄暮推篷遲清風滌我百端慮

至桐廬縣用韋莊韻



桐陰自昔狀精廬採藥無言人自如半嶺畫眉看白鳥  
中流縮項喚方魚九頭松近山疑畫七里龍過江覺舒  
僕病未能凌險絕此心可得類舟虛

富春江用謝康樂韻

富春山上雲夜繞桐廬郭百里駛於箭孤舟不停泊波  
光深仍澈嵐容似成錯地漸分巖杭人已諳邱壑越險  
亦既平浮生偶爾托善病逾心清耽遊忘體弱詰旦戒  
吾友誓踐雲棲諾蒼厓路可踏紅樹葉欲落去水且卽  
山母用守尺蠖

錢塘江阻風

一橋還山漁浦口驚絕風電逼江晚兩舟沈沈有死者  
我行急泊門家堰今朝又聞屍倒流風甚不前方早飯  
僕者來告爲廢箸我亦江行被獨蹇細思茲江南嶺來  
順水乘之勢旣建不知風反在其下寸步難前如設圈  
側耳飛廉爾胡怒垂篷四下窻長撻悶餘起繞板四隅  
時一旁窺小隙窻山川好在孰蔽之廢然入榻坐甌甌  
我友舟遊沙洲間數竹圍之狀飲颺懸懸念子噫惡風  
咫尺眼中成濶遠我僕一舟風打去勢疾飛流落竹槩  
同行有急遣視之穩坐恐飢在對阪此去杭州三十餘  
行不能良類馬蹠若前十五泊范村轉可舍纜涉翠嶽

雲棲竹徑恣清遊一任虛舟自橫輓豈料行止分有定  
浮生本自水中窵飄然一往思千里去住離合勞繾綣  
達觀轉瞬成獨笑吾身何必殊鯉鱣魚出自水困在仰  
人入自水困在偃大小司命播弄之自古翻覆有邇鄙  
自從久病理益悟何取珍軀同瑋琬且復秉燭讀離騷  
遐想當時凌汨沅披帷上床卽穩睡酣於沈醉疑嵇阮  
明晨風定若尙存又看西湖秀而婉

師子林

天如惟則師九師集首楞師子林說法高座於焉陞風  
輪無時休百轉大小乘祇園化藝圃積石何峻嶒頗聞

倪高士意匠排層層初從無象外結構虛空凌又想畫  
在胸潑墨濡縑繪遂成小山勢似吸而疑峒蘇之城中  
央碣礪以裊磴外竒塞百險中貫通一繩九曲珠塗脂  
僂蟻縛鬚髻短短髮引跣宛轉穿真能我來試蟻術下  
緇忽上騰人行隔峯是無計攀股肱紆迴合并處幸至  
力不勝瞬步差毫釐相背參商瞪橫側嵐嶺變臑腑通  
厥膺怪哉吳中山獅小大獸輟迂吏狡獪甚竒蹟舊貫  
仍蕭蕭五白松嫩碧剥芰菱水窟與陸穴五百年相承  
絕勝姑蘇臺町疇感廢興流傳主黃氏授受猶堪徵六  
龍偶停阿光動升與恒我來欵門入子猷興足稱讀書

李詩言集 卷之二  
主人去而亭思斃能落葉飄空濶吾友行藹藹何當一  
持酒檻坐盍簪朋飛雲無端出聊捫石尖稜遷延揖林  
走繞郭尋山登

入山東境

大江南別去乘軒驛到紅花欵北門馬足沙開忘粵濕  
駛音風隔喜齊言漸思肺腑皆吾狎自仗神明非客墮  
來日牢牙截硬餅天然燕趙是鄉園

歸途寄懷京華消寒小集諸公索和

錢籜石宮詹

侍席頻追杖履過曩宵韶悵度嘉禾苦心專用詩人少

妙趣兼收前輩多書案消冰石硯潤菊籬穿日紙窻和  
先生端坐蕭閒甚妬殺孤斟百巨羅

紀心齋少常

宣武門西涼月彎遙知白髮幾酡顏世情多閱恒稱退  
古意能留易得閑美酒何妨呼後進勝遊畧不負名山  
浴沂風舞諳公志特地停舟雪水閒

昨秋借先生浴於昌平之溫泉

曹慕堂給諫

同榜如君美獨專堦庭瑜珥又聯翩酒驚齊相逢人屬  
詩喜陳王徧國傳

仲郎申之今秋獲舉

道悟煮沙還飲食境回嚼

攬澈中邊夜闌若話閩南使屈指紅爐白雪天

陳裕齋侍御

儒官况味合清貧別去憐君意最真閒擁犢車休嘆命  
穩騎驄馬好安身要精寂寞知元學竟少從容委髮人  
近局隻雞消日罷何煩外客往來頻

錢辛楣學士

荒業離羣計未工泰山北面願差同鄭君經學專門入  
揚子方言絕代通室置遺書耽落日人摩折礪犯寒風  
閉關囊粟全無策莫要袁安卧雪中

馮均弼比部

思君宛若卷舒雲軋軋難治意緒紛幾獄平反小司寇

諸經貫串大馮君貧何妨甚休令病醉不須沈聊復醺  
何日清剛相晤語消除柔膩大江濱

沈南雷禮部

遠遊信足壯茲行逸氣真懷對爾驚心識名家肱貫折  
風傳官驛足工輕鵬飛君莫談莊叟馬進吾猶學孟生  
半載消冬齊赴約肯拚寒醉一輪明

陳伯思農部

鬢白何殊髮覆頭幾番相憶廿年遊揮盃使酒人驚避  
下筆爲文物嘆尤自笑胸中無語剩判逃事外任生浮  
嬰兒毒虎聊遊戲對子真消百斛愁



陳仲思檢討

別懷惘惘已難禁，况復南來斷爾音。  
三爵未斟風昔醉，一錢不道品兼金。  
少年遊樂華胥遠，日離思河水深。  
快婿定知頻過從，可談燕客滯江潯。

王露仲侍講

精舍同床送往時，都門折柳近長岐。  
赤藤杖定搜依壁，黃絹詞應讀勝碑。  
子贛一驅矜獨往，佮期萬里喜相隨。  
日歸歲暮會歌否，莫損王郎冰雪姿。

宿蒙陰館疊道中韻寄懷范樸亭農部

出都百種爲人忙，往復船輿彼此望。  
輪子湖山十日戀

剩子風雪一舟狂蕭森長漏蒙陰卧悒悵寒江夜月光

種橘人非離合異思君兼感日堂堂

前館主人秦君已化去余後一日至

假館東門之外

將之羊流驛館偶然作三首再疊前韻

自笑匆匆來去忙蓮花峯色又堪望無端欲下山川淚  
未可全非魏晉狂倉卒著書推野馬低徊勸酒送飛光  
秦宗前面彌今古妄擬雲邊構一堂

烏知日月本非忙樹底鈴兒尙解望誰慕古人死可作  
徒嗤來者醒而狂輕裘緩帶迂何用深水高山黯不光  
吾輩鍾情當一慟茲言叔子許升堂

傾身障籠態微忙蠟股堪延幾日望人說令名或自喜  
我儀不慧乃真狂看山未發鷲音嘯顧影仍爭駒隙光  
傳舍放歌誰與對此間聊當讀書堂

謁羊太傅祠

木脫鴉號又野村荒祠獨拜自推門高山淚墮當何往  
故里神遊若爲存天欲老人情不禁予嗟好古世無論  
流泉斜日遷延去未覺勳名稱涕痕

柴門一帶落晴霞煙樹東頭景色佳噴地爭喧寒玉水  
背峯亂插翠蓮花沒身不受醜人語偉績聊歸癖傳家  
舊榻新坊兩恂恍此間憑弔最無涯

村牛疊蒙陰驛館道中作前韻

老晴日色罷農忙自在村牛兩兩望欲雪眠來偏若穩  
其風奔去偶然狂黃沙河飲清冰潔白石厓呵涼月光  
鬚髯齊山聞哭罷莫教牽去或過堂

重經秦安道中雜詩四首疊前韻

簡書吾畏畧須忙歸道名山只想望揮索人門曾賈勇  
側身皇頂不容狂覽山非小全無影觀日微低尙蔽光  
體與蒼同莫輕問諸儒何事訟明堂

後磨前刻作書忙是處橫厓不盡望天際五人真廟妄  
山頭一石祖龍狂松官列樹翻成錯玉檢呈函定有光

唐漢遺蹤零落罷開元銘喜背祠堂

翠陰亭飲不曾忙嶽觀宣和遺視望徧歷潭池窮美勝

侍遊丞令太清狂禪壇遺跡皇風翹香燭新音道籙光

趙伯言知襲慶日宋碑一段在西堂

此碑在城中嶽廟殿西階下

燕燕吾寧歸去忙愁鷹回馬不勝望今番自信真霞瘵

他日人言但酒狂未辦微生化雉雀且宜小隱學隨光

玉皇宮呼攤書讀便與神仙分戶堂

再過長清寄仲君兄四首疊前韻

打坐僧噉行脚忙未知與道孰先望我行渾失悲烏聒

君住宜馴意象狂惡耗女孥聞作誌忘情佛慧要生光

此間異代傳循吏伯仲名聲續與堂

繞郭山形奔馬忙往時少令稱輿望惠民話到村婆喜  
折獄心輪老吏狂疾引連年安丈室書觀大意放分光  
桐鄉愛我如堪欲瑗請前行封若堂

窮年矻矻購書忙捆載連車路目望文字達摩惟指性  
波瀾脩武欲迴狂此間諸老穿經古恐有遺書鑿壁光

記得郵馳張氏禮解從句讀叩高堂

濟南張先生稷若有儀禮句讀一書

兄官東時

嘗壽余

羲和鞭口信能忙十二寅支輾轉望

兄去官在戊寅憇之後今庚寅矣

舍鴻痕留爪幻催人驛徑任蹄狂北來碧山水兼抱西

下紅輪魄繼光風景此中心賞劇非徒棠蔭在公堂

晏城驛作四首疊前韻

史簡徒聞喋血忙長號六尺是民望殉身未敢同親暱  
寄國真堪論古狂諧謔著書好事托公忠推轂立朝光  
到今寂寞蕪城地高節還凌孤竹堂

萬乘臨淄數馬忙豆區早已竊人望銅鞮空對鄰臣泣  
柏寢猶偕外嬖狂采邑恐非市湫舊御夫曾與蓋張光  
當時祿及餘諸黨可料齊墟剩驛堂

召聞幾費下車忙三十狐裘出入望牛嶺無端仰面笑  
尼谿偶爾發言狂善交初覺知非易示國終思儉愈光

澣濯衣冠公故里後來晝錦漫名堂  
獲穗秋風歌韻忙畜君一豫好周望同時南國遭嘲刺  
異代東方效譎狂潔奠擬懷掩豆意微談竊慕執鞭光  
平生綽綽堪終古未用名聲媿脫堂

禹城道中作二首登前韻

去日疑間來似忙堦墩連驛一朝望天翻深墨雲懷怖  
人入傾波雨記狂又立鬲津橋渡古還思厭次石鐫光  
欣然憑弔逢晴朗肯學千金穩坐堂

賢令相遭傾蓋忙畧談同里慰予望故臺端笏欽清峻  
吾黨耽書憶簡狂華峯宣郡驚新句雲海黃山爛曉光



自笑風沙京邑去欲憑梅驛問山堂

禹城令胡君與涇縣趙然乙前輩宣

城張慕吉及門並同里故詩中及之

曲陸店乘月曉行作二首疊前韻時十一月十日

四日

忽訝姮娥比客忙東君盼到詰朝望三更巧借橫參對  
半朔窮追顧兔狂鴉宿平原寒樹靜人行曲陸小橋光  
故鄉無寐剛千里骨冷誰云是玉堂

驛趁寒宵有底忙偶因牕月起貪望歸期五日真應早  
野色三更可要狂田疇遠明搖碎影林松深黑襯清光  
歸將好景辛勤話不比高談自處堂

過劉知廟作二首疊前韻

問境歸來神若忙此間風土慰余望燕齊壤錯東南繁  
河海流爭瀛鄭狂古社仍留夏姓在行祠或假岱宗光  
吾鄉雖近燕音遠頗覺新人賦俟堂

仍山東語也

紛紛劉智北南忙黃草亭中兩壁望廟奉碧霞岱玉重  
地通紫塞朔塵狂一肩已極籃輿興三宿胡依桑樹光  
一隻一雙盈路堠從頭數徧上吾堂

趙北口作疊前韻

最驚風伯弄塵忙此日颺清愜遠望憶到閩南逢嶺怒  
喜歸趙北禁沙狂雲中殿影移晴日堤外冰紋鋪夜光

他度蕭閒來晤眺軒窗佳處借僧堂

我住燕陲去驛忙夜過那及四周望兩隄暑擅蘇髯勝  
一曲頻思賀監狂春色未關楊柳意寒風微動鷓鴣光  
南遊極樂歸安訪聊酌城東石氏堂